

Por un uso racional da Telefonía Móbil:




Mamá, papá, grazas, pero isto non é un xoguete, pode danar a miña saúde. Eu necesito da vosa protección e consello. Infórmate!



* Modelos de telefonía móbil para nenos/as actualmente no noso mercado, coma o retirado do mercado holandés pola advertencia da Oficina Nacional de Protección Radiolóxica do Reino Unido

Eles son máis vulnerábeis:

- Carecen de criterio crítico, descoñecen os inconvenientes e están máis suxeitos ás modas: **CONVÉRTENSE EN CLIENTES CEGOS DAS OPERADORAS** (dos menores de 9 anos: un 5% ten móbil, de 12 a 14 anos: un 71%, de 9 a 11 anos: un 35%, dos maiores de 15 anos: máis do 90% -datos de *Telefónica Móviles 2006-*).
- Os seus sistemas nervioso e inmune **ESTANSE A DESENVOLVER**, e as células en división **SON MÁIS SUSCEPTÍBEIS** ás alteracións.
- Posto que **OS SEUS EFECTOS SON ACUMULATIVOS A LONGO PRAZO**, a duración da exposición aumenta cando o seu uso comeza a curta idade cos consecuentes riscos
- Os seus ósos do cranio son máis delgados e máis vasculares: **MAIOR PENETRACIÓN DAS ONDAS.**



SINTOMATOLOXÍA CITADA NA AMPLA BIBLIOGRAFÍA MÉDICA REFERENTE Á EXPOSICIÓN DOS CAMPOS ELECTROMAGNÉTICOS:

Cefalea, irritabilidade, falta de apetito, depresións, fatiga crónica, dificultade de concentración, infertilidade, abortos, diminución da libido, leucemias agudas e tumores do SNC na infancia, dermatite e alerxia inespecíficas; trastornos cardiopulmonais, hormonais (melatonina,...), inmunitarios, visuais ou auditivos,

"Os pais teñen que sopesar a conveniencia [de que os seus fillos usen móbiles] coa posibilidade de que teñan algún efecto descoñecido na súa saúde no futuro". Mike Dolan, Director Executivo da Asociación de Operadores de Celulares Británica. 2005

Na comunidade científica hai un crecente número de chamadas ao "Principio de Precaución" no uso da telefonía móbil en nenos e adolescentes:

**Contacta connosco:
solicítanos modelos de actuación**
Asociación Pola Defensa da Ría



R/ San Xulián, 1, 1º. Tif. 986847485
Apdo 414 (36080 Pontevedra)

<http://www.apdr.info>
apdr@apdr.info

OMS, 1999: “Non se pode desbotar unha relación entre a influencia dos Campos Electromagnéticos e a **leucemia infantil**”. *Exposición a CEM en zonas de residencia e leucemia infantil*. Boletín nº 77.

España, 2001: “Cómpre facer un **uso racional dos teléfonos móbiles** con obxecto de reducir as exposicións innecesarias aos campos electromagnéticos, particularmente en grupos de **especial atención como os nenos, os adolescentes** ou os portadores de implantes activos, entre outros”. Comité de Expertos no seu *informe técnico Campos electromagnéticos e saúde pública*. Ministerio de Sanidade e Consumo.

“Non prolongue innecesariamente a duración das chamadas efectuadas mediante un teléfono móbil [...]. **Os pais deberían procurar que os seus fillos fagan un uso prudente dos teléfonos móbiles, limitando a súa utilización ao esencial e mantendo unha duración curta nas chamadas**”. *Indicacións sobre un uso axeitado do teléfono móbil*. Ministerio de Sanidade e Consumo

Alemaña e R. Unido, 2001: “**Desaconséllase enerxicamente que os nenos [...] utilicen de forma prolongada e sen necesidade teléfonos móbiles pola súa crecente vulnerabilidade a posibles efectos perxudiciais para a saúde [...]. A industria da telefonía móbil debería evitar fomentar o uso prolongado de teléfonos móbiles por parte dos nenos utilizando tácticas publicitarias** que explotan a presión dos compañeiros e outras estratexias ás que os mozos son susceptíbeis, como a utilización... de personaxes DISNEY nos teléfonos.” Dr. G.J. Hyland (Instit. Internac. Biofísica Neuss-Holzheim e o Dpto. de Física da Universidade de Warwick), *Informe para o Parlamento Europeo sobre a radiación electromagnética non ionizante*.

Francia, 2002: “... Privilexie a utilización dun sistema de mans libres, **evitando no momento da conversa colocar o teléfono preto do ventre dunha muller preñada ou baixo o ventre dos adolescentes [órganos sexuais]**”. Consellos do *Goberno Francés (DGCCRF)* polo uso prudente da telefonía móbil.

Suecia, 2003: “Non podemos excluír que logo de varios decenios (de uso temperán da telefonía móbil), unha xeración **poida sufrir efectos negativos a unha idade mediana**”. Profesor L. Salford. Lund University.

Valencia, 2004: “--- Os cranios máis pequenos coma os dos nenos absorben máis enerxía; é dicir, se atopamos efectos entre os adultos, nos nenos pódense multiplicar”. C. Gómez Perreta. Biofísico. Hospital Universitario “La Fe”.

Reino Unido, 2000/2005: “**Os nenos menores de 8 anos non deberían utilizar os teléfonos móbiles e aqueles comprendidos entre os 8 e 14 non deberían empregalos agás cando for absolutamente necesario**”. (2000). “Cómpre sermos precavidos. Non podemos dicir que non haberá efectos.” Ante a evidencia científica do estudo *Reflex*, **cuéstionase o procedemento de planificación para as estacións base de telefonía móbil (antenas) polas súas posibles implicacións sobre a saúde da poboación exposta**. (2005). W. Stewart, Presidente da Oficina Nacional de Protección Radiolóxica (**NRPB**)

Austria, 2005: “... Os estudos mostran que esta [a dose de radiación] acumúlase cos anos. Por iso, os nenos fundamentalmente non deberían usar os teléfonos móbiles”. Gerd Oberfeld responsábel de Medicina Ambiental do Colexio de Médicos de Austria.

O estudo REFLEX, conclúe: as radiacións dos teléfonos celulares son xeno-tóxicas (daniñas para o ADN) e potencialmente canceríxenas, polo que se expón un decálogo para un uso máis moderado e responsábel para mitigar o seu efecto sobre a saúde: **úsao só en caso de urxencia e por curto tempo, non os leves nos petos do pantalón e non envíes mensaxes de texto debaixo do pupitre (pode afectar á fertilidade), apágao pola noite, e non o deixes preto da cabeceira da cama e non utilizar os vídeo-xogos que ofrecen**. Colexio de Médicos de Viena.

Galiza, 2006: “Cómpre facer un uso racional e moderado destas tecnoloxías ...[Os estudos que as presentan coma inocuas] non deberían tomarse ao pé da letra. Os intereses económicos que existen detrás de todo este mercado converten estes traballos en pouco fiables, ao meu ver. **Cómpre durmir afastado do teléfono móbil, así como non levalo próximo a zonas vitais como o corazón ou os testículos. Son moi recomendábeis os sistemas de mans libres. As antenas de telefonía deberían estar instaladas cun perímetro de seguridade de 100 metros. Ademais, o uso de teléfonos móbiles por menores de 12 anos é totalmente desaconsellábel. O sistema nervioso dos cativos está en fase de crecemento e pode ser danado. A educación dos pais é fundamental neste senso**”. Dr. José Carro Otero, Catedrático da Facultade de Medicina da Universidade de Santiago de Compostela e Presidente da Real Academia de Medicamento e Cirurxía Galega.

Bélxica, 2007: Chamamento de máis de 30 pediatras flamengos á **prohibición do uso dos teléfonos móbiles aos nenos menores de 16 anos**, informando aos pais nos distintos departamentos pediátricos do seu perigo. “Os móbiles non son xoguetes e polo tanto os pais descoñecen os seus perigos” Jan Alllein.

**Contacta connosco:
solicítanos modelos de actuación**
Asociación Pola Defensa da Ría



R/ San Xulián, 1, 1º. Tif. 986847485
Apdo 414 (36080 Pontevedra)

<http://www.apdr.info>
apdr@apdr.info